



白沙先生全集卷之十三

七言絕句

伍光宇卜室白沙爲讀書之所

君此卜居君亦足空村無人山多木參差芭蕉
麗晨旭新葉新心遍相續

競晨登登聞隔竹東隣老人事幽卜瓷甌瓦盆
不供俗我不到門此翁獨

吞段錦衣惠藥

藥來詩往共誰忙野老無金與段郎泉石旌旗

俱在眼不應泉石獨膏盲

聞攬山近有車馬之蹟因贈緝熙并寄竹

齋丈

白日傳呼攬翠崖誰家玉樹碧雲埋只疑冬酒
開松逕定有山靈怨竹齋

絕句

墻角經春卧短筇千秋塔骨不如公科頭坐轉
茅簷日閑看蛛絲蕩午風

夜坐與童子方祥慶話別偶成

晚飯跏趺竹几安秋吟涕泪閣燈殘一詩可送
方童子千煉不如莊定山

往潮連人事

獨速蓑衣舞我航數家煙樹隔瀾茫不將起倒
供人事祇爲看花也未忙

柳渡月下承茗溪翁約賞中秋月於潮連
年顏欲比茗溪老酒錢同揮夜月圓來共主人
秋半醉更回楊柳渡頭船

次韻張叔亨侍御見寄

酒舫當年興未涯清宵人語白鷗沙如今縱有
相思夢不到長安御史家

看柳

淺塘低竹小坭村黃土墻倚白板門望見西頭
楊柳樹行人都訝是桃源

絕句

曲肱深閉倚山閣照眼不看臨落花一身老去
何須出兩脚朝來只欲麻
倚檻纔看一兩花不堪終日雨斜斜先生已結

僧叅坐還與人間管歲華

白日幾時生羽翼金丹負我不神仙東家茗碗
頻分啜兩腋清風也可憐

溪橋晚立示諸郎

溪邊明月掃不去竹下清風時一呼天與乃公
供打睡莫安橋板引樵漁

齋大父忌作舊居在道娘墳東

道娘墳西近官路朝朝暮暮行人多世事百年
渾不省蒲堂賓客竹枝歌

贈鈞伴

短短萋萋淺淺灣夕陽倒影對南山大船鼓棹
唱歌去小艇得魚吹笛還

得陳德雍書年九十餘矣猶有願學之志
越客初披手翰新天涯暮雨欲沾巾可憐一片
長江水日夜東流不待人

望頂湖山

客子正歌山鬼句篙師欲進頂湖船遙看落日
蒼梧外獨立橫槎古寨邊

夜過三洲巖讀濂溪題名示諸生

山容寂寞紅葉老江月照耀青天高題名夜半
尋周子秉炬相隨愛爾曹

歇馬大徑山

數家煙火隔林塘一樹寒花晚自香黃葉塚頭
聊歇馬鷓鴣聲裡近斜陽

華蓋仙跡爲謝布政作時謝已物故

華蓋山頭雲起時群仙雲裏坐彈棋謝公不用
登山屐借得千秋一鶴歸

東軒獨坐偶成

桃花寂寞梨花開
山中薄酒三五盃
村西有客可人意
風雨今朝期不來

虎夜出

虎頭縫淵雨即下山
中白額還遭打今年雨足
汝不知稍出人間食牛馬

次韻趙提學見寄

蒿萊封徑不腰鎌
長夏山齋睡正甜
風送歌聲滿天地
驚回殘夢雨廉纖

老大行藏敢不疑
曉川紅日睡醒時
昨宵共對崖山雨
如此乾坤那得知

古有所思

采采紅芳日欲斜
盈盈珠泪落天涯
東風忽攪籬前樹
惱亂春愁不爲花

卜日脩外海赤坭嶺祖墳值雨

冬雨墳頭蒿已生
年年披草祭清明
晚風吹落携鉏艇
又聽鞦韆隔水聲

與景星夜坐

撥悶無人致酒瓶哦詩燈下一郎清夜深笑拍
胡牀語忽亂堦前落葉聲

西樵山下感舊

西風吹老錦巖春遺跡荒涼此水濱雲氣不遮
西望眼青山剛對獨歸人

西樵山前暝鶴歸縞衣雙拂錦屏飛淒涼夜半
孤舟客一聽遺音淚滿衣

德孚先生留此眠南山揮手白沙船

伍光字獲
小南山

江山此日三人別誰道人生無百年

示建旌節亭役者

照耀乾坤功不小此風此日更須扶泮宮
皆民力不共城卽一例書

次韻趙提學留別白沙

列炬溪邊樹影斜隔花遙迓使君車酒盃欲別
微風起吹動馨香下柳沙

蕉麗望羅浮

翠錦爲山白錦雲畫工傳影不傳神今朝蕉麗
江頭望魂爽何由得傍身

黃連涪郎事

青草橋邊船未歸
曲川微雨暗荆扉
江村盡日無來往
夫在東臯嬾給炊

上帆

蜻蜓翅短不能飛
款款隨風墮客衣
此是天人相合處
蒲帆高掛北風歸

初晴

初晴樓上燕飛飛
樓下歌人白苧衣
一曲未終花落去
蒲林啼鳥送春歸

落花

落花半落流水香
鳴鳩互鳴春日長
美人別我在江浦
欲來不來空斷腸

清曉

清曉有人來款扉
風吹衫袖白披披
昨宵雨打山窻破
莫怪先生下榻遲

對酒

半開半謝花相催
江水東流不復回
扶杖江頭看花樹
不知笑向酒家來

喜生姪

兩翁筋力少翁衰竹杖先堪付若兒只恐暮年
詩更逸出門須背錦囊隨

山齋新設紙帳軒中

如雲白紙罩方牀翠簟眠穿我固當世到烏天
終不遠先生枕外即羲皇

階面苔侵牡蠣墻小軒容易領年光只從今夜
牀頭月已照先生鬢脚霜

送鍾地曹入京

十年自汗不能乾枕上殘書白首看莫道無心
與君別樽前更覺別君難

感事

人間骨肉薄秋雲一事朝來不忍聞何處青山
封宿草欲將衰淚灑孤墳

平生交態如兄弟此日悲歌聞路人欲寄秋風
兩行字九原無鴈獨憐君

宿倪麟所石榴花秋開

老蟾半影秋如水曙角一聲霜滿街白髮山人

到城府石榴花下借眠來

催諸友九日詩課

九日樓前客令新
黃花愛酒不饒貧
勸君火急交詩課
纔到明朝罰主人

題杜少陵小影次柳文肅韻

孟子詩肩高聳山
杜陵談笑古風還
世間還對憂時畫
美酒花前已破顏

與舊童子

神樂燒茶伴老夫
昔時童子今生鬚
青春過眼

如流水白雪滿頭非故吾

謝惠酒

白髮蒼顏老石齋
出門秋思滿天涯
極憐紫酒逡巡有
不負黃花點綴佳

五月二十七日夜颶風作屋漏

燈殘四壁漏痕斜
老屋回風落細沙
乾坤更有晴明日
爲報家人莫怨嗟

題畫

赤壁磯頭天欲曙
縞衣和夢掠舟西
欲尋故處

何由見長悵今人盡亦非

題月溪卷

月出東方白漲溪溪翁行樂溪東西相思欲過
隔溪去南斗無光北斗低

贈周鎬兄弟

周生兩馬齊兩鞭京指長安鎬在山今夜尊前
看秋月明年秋月憶尊前

秋日偶作

山河一望仲秋前楓葉初黃水半川路上行人

不歸去北風吹爾過殘年

木犀未發盜蓮空小女來方剪絲工不信衰榮

是天道覓花無處怨西風

閱馬氏均田文

王侯尚愛橐中裝何況田家弟與兄孟子未知
人世事獨將仁義教齊梁

過鄧某家其人貌似伍光宇

南山面目偶然同又向人間見此翁碧蘿窓下
一杯酒猶勝良宵夢裡逢

此老若是石曼卿此山便是芙蓉城高歌獨控
青驪去是有風流萬古情

喜雨

滿眼珠玉不足珍甘雨一灑萬家春昨日蒼頭
睦洲至又道睦洲饑殺人

將如東莞聞途中盜發不果

扁舟東過扶胥口一日二日之便風何故三旬
不成往仰船岡下賊旗紅

題朴軒

葛洪亦號抱朴子安知朴翁不是仙莫將甲子
編年看人道翁生大撓前

題應憲副真率卷

今古一杯真率酒乾坤幾個自由身春風回首
黃巖會醉插花枝少一人

茶園曲寄治香櫃表暉

峽束彎彎一水長商船無日不蘇航千村萬落
無窮樹盡是表郎櫃裏香

插花

巖前上馬興難拏卯酒三鍾帽半斜兩鬢鬢馨香
齊插了賽蘭花間木犀花

訪山家次韻

樛木逕口即迎馬語鳥籬前妾掃雲笑殺主人翁
忙出戶手提筐果喚厨人

清泉煮蕨愛山家夜飲西巖望月斜澗底白雲
留不住半隨紅雨落天涯

蕭黃門書來見責久無書用舊韻答之

諫官一字照天涯南海年年問釣沙滄波不與

黃門信笑殺龍鍾百姓家

平江伯陳公以紫茄花絹爲家慈壽詩以
謝之

吳紉衫色紫茄花老親着時衆口誇小兒奉酒
歌七字持獻軍門表拜嘉

景雲偕范規海上割稻

犬子給炊海上舟范生打槳兩同遊田中割稻
家中望逢着諸仙莫浪投

招訟者歸

越王城裏塵隨馬刺史衙前吏喝人此日王孫
不歸去舊遊芳草可憐春

中秋期諸友不至

山妻有錢肯沽酒諸友賦詩期不來范生也逐
吾兒去一夜清光對玉臺

贈鄺載道之淮陽別駕前御史謫黃巖

十年花縣眼中人別駕淮陽又幾春曾共烏臺
高十仞鄭郎今着白綸巾鄭紀也

感事

齒本生來不着唇呶呶衆口劇鴉群鼻雷自炒
元城耳夜半鐘聲那得聞

木犀四絕寄倪麟

自城中解館歸

正月山桃委地紅柳塘還捲落花風木犀一樹
渾堪賞盡日相看煙雨中

風雨歸來問小奴藥欄花架費人扶黃昏雨歇
茅簷月只有木犀對老夫

春城無日不思家風雨經旬損物華竹色四時
長不改平安先報木犀花

風吹雨打只傷神白首龍鍾尚愛春花意未應
嫌老醜十年前是種花人

題兩山居士卷東所父也

墨水翻騰作巨川兩山何處灑雲煙醉中亦有
臨池興悵望名家不敢言

題東所卷

東所詩成月滿衣乾坤無語鬼神悲卽今欲到
飛雲去說與兩山居士知

問鄺珙病

鄺生病肺今何如獻歲初驚得手書我有丹方
欲傳與小藜床上半跏趺

次韻陳冷菴僉憲見寄

擊壤聲中酒國春海風吹老石邊身桃花幾樹
衡門下我是唐虞一輩民

乾坤畫筆久荒蕪誰作臨江五老圖聞道遠師
將結社華蕪猶得照鄒湖

五十四年居海濱偷將水月洗心塵今朝偶對
西江使溟海猶堪把贈人

別意

江閣醒眠秋正涼
西風殘漏轉離腸
不知天道平分未
已覺人間一夜長

悼林暎

一日之雅亦爲哀
鍾淑相隨入夜臺
此生未了男兒事
也向扶胥打坐來

木犀開時江右李
士達劉希孟已去
容貫范規江浦未
還因有獨賞之歎

嶺北書生嗟去早
江東遊子惜歸遲
重陽將近

無風雨正是木犀初發時

先子忌日作

生來只見山頭土
祭諱惟聞月下蠶
五十四年天頗定
諸孫羅列拜成行

題畫

茅簷秋颭酒旗風
舟入蕪葭月半籠
醉睡不知家遠近
醒來依舊五湖東

寒山鍾近不成眠
人在姑蘇半夜船
何處明朝正堪望
吳王宮苑草芊芊

金陵城西趨市即負戴不厭江路長
百花橋頭換美酒歸與漁父歌滄浪

古耶道中有懷

翠煙浮壠麥初齊
社樹青青獨鳥啼
何處相思不相見
木綿花下水門西

小湘峽食嘉魚十月二十一日

兩山斷處小湘峽
十月嘉魚出水鮮
引蒲阿儂生日酒
微吟空記屬牛年

自三洲還至棣步村

江流夾束午風柔
城郭歸來棣步舟
惆悵碧桃歌舞散
黃茅煙裏一鞦韆

過清遠峽

行人初上峽西頭
已有心隨下峽舟
天下名山皆可愛
夢中慈母不來遊

讀鱷魚文

刺史文章天下無
海之靈物識之乎
如何皇甫兼逢吉
不及潮州一鱷魚

食蜺

家住東南蜺子村小鎗風味勝侯門眼前下筓
非無處芹曝猶堪奉

至尊

社中

桑林伐鼓酒如川秋社錢多春社錢盡道昇平
長官好五風十雨更年年

社屋新成燕子來山丹未落野棠開三三兩兩
兒童戲弄水板花日幾回

社酒開顏一百家春風先動長官衙東君也解

遊人意紅日交開樹樹花

社日年年會飲同東原西埭鼓鼙鼙無人不是
桃花面咲殺河陽樹上紅

夜酌

侍子焚脂弄小孫藥爐分火煖殘樽東風不管
黃鸝怨一夜飛紅蒲樹根

問李深之病

竹林花埭酒旗風秋賞春遊事事同伏枕六旬
猶未起相思紅日滿簾櫳

沙上

村逕西來入杜松北山終日白雲封往來獨把
梅花咲只有沙堆不負公

題秋江喚渡

何處渡頭風浪喧隔波仙境似桃源瘦藤倦向
人間去喚得船來便上船

春寒

清明天氣如初臘雨脚雲頭枉是春堦下醺醺
開自晚不隨紅紫怨東君

一春光景在花枝三月殊非陰雨時只有木犀
偏耐冷小株簷下對衰遲

看花何處輾香輪江上春寒着莫人衰病未堪
供起倒且便高枕過殘春

題棲霞卷

紅霞小塢地仙家日出耶溪十里花秋竹垣低
是何處有人窓下讀南華

雜興

數行屋蟻下庭蕪墻角扶留綠映裾正是蒲樓

山雨過夕陽惟好鷓鴣呼

讀朱晦菴註參同契

神仙不註參同契火候工夫那得知千古晦菴
拈一語可憐無及魏君時

大水浮舟至七星巖頂題其上

七星巖下醉神仙猶占龍牀水底眠我有一樽
延壽酒月明今夜對南山

蒼梧寄陳庸時館潯州

山形西上水東流獨泛長江十日舟無翼可隨

飛鳥去相思時復到潯州

題林良爲朱都憲誠菴先生寫林塘春曉
圖

煙飛水宿自成群物性何嘗不似人得意乾坤
隨上下東風醉殺野塘春

出肇慶有懷馬玄真

紅塵白浪去來年細雨秋江看木綿何處思君
君不見羚羊峽尾七星前

金洲別陳冕

江上東風捲暮旗木綿花下進舟遲金洲未是窮途別莫贈黃金只贈詩

絕句

粉墻經雨舊成痕青被扶留直到根俗吏款門教暫去隔簾拋果戲諸兒

題畫鷹

落日平原散鳥群西風爽氣動秋旻江邊老樹身如鐵獨立槎牙一欠伸

木犀枝上小鵲

翠裙白領眼中無飛上木犀還一呼乾坤未可輕微物自在天機我不如

贈周成

虛無裏面昭昭應影響前頭步步迷說到鳶飛魚躍處絕無人力有天機

春中雜詩

春寒着莫絮袍輕遊走向何山更乞晴夜夢髯翁作人拜安知不是白龍精

小雨如絲落晚風東君無計駐殘紅野人不是

傷春客春在野人杯酒中

香煙裊入袖中蛇讀易山齋日未斜領取乾坤
分付意扶留生耳木犀花

端陽後一日里人送角黍酒至

荷瓢童子問誰家老婦簷前駐紡車角黍喚回
端午夢還從艾瑱得松花

九日木犀未開

野徑香沉舞蝶稀柴門樹老着花遲含章此日
無窮意只有階前拄杖知

菊來粟里何須酒梅到孤山不欠詩老去未甘
詩酒廢木犀其那放花遲

木犀花下待陳秉常

常疑楚客食秋菊不信唐人醉牡丹何處木犀
香可愛須君曾到玉臺山

謝九江惠菊

誰將此菊種江濱物色當年漉酒巾若道淵明
今我是清香還屬隔江人

紫菊移來紫水濱白頭對着白綸巾花前酌酒

笑未足酒後簪花咲殺人

故根迢遞九江濱歲晚相看此道巾不用詩流

強分別種花人是賞花人

鶴袖披翻野水濱黃花簪破烏巾腰間我有

坡翁帶解與西隣賣酒人

夜夢見太母急呼諸孫前拜

欲覺未覺夢中夢有形無形身外身喜逐悲來

呼不得曾孫前拜太夫人

馬肇文惠油酒并錄示哭一峰先生詩及

送林緝熙掌教絕句復以香一束賦三絕

見意

誰以三年報一峯舒剛蓋有古人風一詞亦到

君親地何處無天覆馬龍

清油濁酒慰家貧老子山中但白雲君欲看雲

湏久坐晴窓端為起爐薰

南川釣艇已橫波裏水漁翁又放歌今日未知

明日事且傾君酒為君哦

贈周二仔入京文都家僕

故人訝我久無書只到長安夢亦踈萬里周郎
知此意杖藜江上送長鬚

次韻張廷實東所寄興見寄
天邊暝色將秋至海上長風送月來何處無人
識東所夜分樓上了餘杯
明月清風放兩頭一筇挑到古尼丘而今老去
無筋力獨坐江槎看水流
板緣千尺採松花服食爲仙未到家我得丹方
欲傳與肯捐妻子入煙霞

路自飛雲過闔壺仙人訝我久趨且相期汗漫
歸何處獨占煙波理釣魚

放到瓊林半醉間半留醒處著江山病來只有
冠裳在不帶朱門一事還

不求老馬在長途誰道長安一馬無伯樂未來
幽薊北憑君傳語到平湖

邯鄲枕上看三台誰撼藜床喚老萊幽事不應
全廢却夜來風吼澗中雷

西風吹老木蘭花水閣氛氲帶晚霞溪上行人

不相識隔船對語問誰家

海上峰巒今屬誰携來四百布囊垂或憊珠珮
多遺恨化作長髯未可知

門下諸生無一箇山童撤却皐皮坐與儂七尺
青團蒲今年換與張東所

沽酒

酒店無錢與酒遲初晴天氣菊殘時乾坤不效
閑人醉也到江門酒錢知

題南浦送別圖卷後為蔣方伯

何人更賣雲卿履我昔曾過孺子亭欲寫別離
非此日西山南浦認丹青

對菊

花開無酒醉江濱莫笑人間破葛巾廬阜長官

歸未得看花還共去年人

丁縣主告予
謝病不果行

食香誰亦到湘濱西掩東籬濫一巾去歲金英
曾照我今年玉盞又驚人

白鴈南飛到海濱吟邊芳氣襲衣巾門通水竹
三丫路坐對采羊一輩人

秋英如雪照江濱
板折須防小侍巾
曲檻兩頭門盡掩
先生元是惜花人

日日狂歌菊澗濱
花神應識玉臺巾
西風爲掃繁華去
不遣紅芳近老人

花觴誰撐綠渚濱
道人醉脫碧方巾
東籬不飲江州酒
彭澤當年未盡人

精魄當歸楚水濱
天涯聞計忽沾巾
西風吹醒

蒲團夢獨對黃花
憶故人

都憲誠菴朱先生也

扁舟何處剡溪濱
夜半歸來雪滿巾
爭似一瓢

秋菊伴漆園風暖蝶疑人

我貌不如蘇穎濱
秋風華髮已盈巾
有錢不買重陽醉
籬下黃花也笑人

菊坡持酒越江濱

御筆親題與醉巾
丞相九回徵不起
碧虛長揖
中人

知章投老鑑湖濱
還戴華陽羽士巾
元亮也歸三徑去
至今人笑是癡人

種扶留用舊韻

輕落藤稍淺打溝種時須共小遲留浮生日月
供眠外付與携鋤抱甕休
絜矩工夫但一溝山中夜雨長扶留莫教看到
詩人眼千首爲魚也未休

絕句

娉婷鄭女着織羅能爲襄王激楚歌一曲霓裳
都掃盡尊前無地舞陽阿

贈麥岐出遊

錯教人意向花濃萬樹香飄一夜風行過東津

莫回首一番春事又成空

我得無言贈麥岐乾坤遊走到何時千山萬水
無窮意分付芙蓉杖一枝

八月八夜忽夢玉宇無瑕碧雲燦爛南斗

下大書八字云生生德俊逸超全下有

四人面西而行或隱或見覺後紀以絕句

八字光騰斗外天碧雲西去擁群仙乾坤此夢

無人話起步中庭月上弦

贈人

誰將兒女浪干情
春雨來時草又生
夢亦是真
真亦夢
石泉槐火對清明

悼周鎬京之凡也

一封長夏寄京書
不遣歸來待拜除
誰與行人

報消息高堂今日要人扶

京以母命赴春官
鎬亡京南歸在道

一雙玉樹出東溟
豈意先隨曉露傾
三十六年

惟一女老夫垂淚寫銘旌

叔子還家定買碑
墓旁將刻老夫詩
詩中不借

閒言語只寫人間母子悲

嗜好平生法帖詩
偶逢方士問刀圭
何人擺脫
浮生事得似周郎易箒時

里巷三年六七墳
老年無淚哭交親
數聲願借
遼陽鶴喚醒人間未死人

望白龍池

在本邑崑崙山頂

西望不見崑崙池
白龍上天歸何時
望中心逐
飛雲去半掛玉臺松樹枝

涵虛數尺鏡光懸
舊是頭陀洗鉢泉
又有山人
來洗耳白龍休復水中眠

雲影天光共一池
池中消長白龍知
仙翁騎龍上天去
只有明月照漣漪

梅花絕句

一枝低壓塢籬斜
細路穿雲竹半遮
忽被暗香相引去
小塘詩景在西家

老樹眠江水
嚙之浩浩水
月浸花枝暗
香倦入滄溟去
不是漁翁那得知

沙籠寒月樹籠煙
香徹龍溪水底天
斜隔竹林窺未得
更尋西路上漁船

南枝照水忽先開
漁父灣頭有釣臺
罷釣歸來溪路暝
暗香幾度倩風媒

孤山山下一枝梅
春到南枝尚未開
酒醒西樓看月坐
清風湖上捲香來

朝來溪上弄花丸
天地氤氳日月還
無覓暗香疎影處
笑呼歐九問孤山
氣氤氳壓倒孤山

梅花撩我又冬殘
落日深山一凭欄
病眼不知花妙處
只將花作野人看

梅花如雪擁溪扉
漁父村南負酒歸
縱飲不知

花落去酒醒船上見花稀
日日花邊喚酒船梅花開處酒家眠青山一片
無人買誰與先生辦酒錢
樵客入林聞曙鴉梅梢殘月暗溪沙沿溪路盡
無人到更說林逋住處賒
舍南朝見一枝梅舍北桃花昨夜開笑問花開
何太急青春肯逐酒錢來
南北枝頭月正懸月中誰此弄溪船晚來吹入
梅花去吹到林逋木榻邊

蒼煙裊樹溪冥冥夜半江樓笛一聲悵望錯疑
溪女折蒲頭只慣插金櫻

桃花

雲鎖千峰午未開桃花流水更天台劉郎莫記
歸時路只許劉郎一度來
山中兒女不知秦無賴漁郎最惱人溪上桃花
君莫種東風不貸武陵津

題袁氏知歸卷

鳥在蒼岑魚在淵水深林密保生全秋風莫怨

茅茨破白首眠看榻頂天
陰厓水必到滄溟石罅涓涓勢已成萬古乾坤
流不盡望湖亭下更分明
示我陰陽闔闢機春陵墨雨灑門扉直從罔象
前頭見人與乾坤一處歸

界江八景

河橋柳色

廬阜清風長官宅渭城朝雨王維詩東西綠遍
河橋路長與離人照酒卮

驛館槐陰

槐陰覆庭日早午小吏夜出迎當路長江閱盡
往來人淦水西邊此槐樹

爐渚晴煙

香爐紫煙生一縷天風吹落蘆花渚江東行客
歸去來霑衣猶帶金陵雨

古埠漁燈

埠頭半點夜燃枯釣得松江一尾鱸漁婦聯舟
向東岼東岼人家有酒沽

界江霽月

玉宇蟾輝秋展鑑
界江水色夜磨銅
乾坤好景誰無分
只問靈臺得屬公

西僧禪梵

竹徑風傳西梵聲
隔牆深夜有人聽
山僧老去無功德
還倚禪門誦佛經

東閣書聲

閉戶書聲午欲乾
夜闌燈燼落蒲團
朝廷若問觀風使
猶有書郎信長官

大橋牧笛

山花爭插帽頭紅
蘆葉鳴鳴弄晚風
橋大板平牛步穩
老牛差後不愁儂

讀周朱二先生年譜

千年幾見南康守
歎息人間兩譜開
但使乾坤留一緒
聖賢去後聖賢來

一語不遺無極老
千年無倦考亭翁
語道則同門路別
君從何處覓高踪

白洋潭漁

白洋風起釣絲飛
夢裏漁蓑此夜歸
明日冷香橋上望
海鷗相對便忘機

白洋潭上浩煙波
何處漁歸此放歌
月下聞之開口笑
江門三尺有藤蓑

戊午秋開化吾廷介縣博校文於我省念
太夫人初度之辰在十月八日撤棘之後
幸公程之便趨歸為壽詩以送之

高下元從脚板分
江山富貴幾般人
吾家子弟官情薄
欲把行藏壽老親

題伍光宇碑陰

幾年滄海一碑成
身後何須歎不平
天遣老兄生少子
千秋寒食祭公塋

兄伯饒近生一子為光宇後

喜黃在登科

半醒半醉一儒巾
黃卷青燈二十春
晚醉鹿鳴君莫訝
龍頭還屬老成人

龍頭還屬老成人
夜半雷聲已變春
莫為晨昏留不去
安車扶上白頭親

在老母在堂故云
安車扶上白頭親
徐積當年也為貧
憶昨扁舟

淮上路青山吾拜墓中人

題松雪圖

元時有箇趙松雪松雪于今又屬誰一幅丹青
一瓢酒廖公來乞老夫詩

半江十詠爲謝德明賦

江湖城市氣交吞誰放蘭舟繫柳根肯與漁翁
通水界白頭破浪在江門
獨速溪邊舞短蓑月明醉影共婆娑手中握得
桐江線釣破江天不要多

水面煙濃白鳥低數峰青鎖夕陽西隔波莫是
仙源否恰到波心路已迷

隔波晴色裊孤煙萬樹桃花錦一川夜半天風
吹海立探花人在半江船

水到江心五百弓白鷗雙起鴈孤衝竹篙點碎
菰蒲月如此風光我共公

畫紙敲針一柱詩水生花落兩天機西風捲市
塵高起也到江心不解飛

溪槎汎汎月中眠橫占波間一半天何許少年

三五輩夜深憐舫叫攤錢

碧海雲深鶴夢勞人間無地看盧敖不知居士
曾來否試向波心問小舸

醉則高歌醒復悲老仙那有獨醒時江間碧浪
三千頃都與回公入酒卮

半江秋水映斜陽幾個神仙坐海旁酒是逡巡
花頃刻一尊韓愈對韓湘

經陳氏家廟

牡牯墻高一廟深緣岡松栢晝深深我家俎豆

茅茨下只少黃金不少心

題萬松菴壁

昔年曾賦萬松軒一飯松根有宿緣旋摘黃花
傳白酒真成東老對回仙

過東涌周貢士抱乳兒久住出迓

鄉曲論交大父餘耳根狼藉病翁書小兒莫道
無靈性也傍寒塘望笋輿

經曝日臺周鑄所築鑄亡無子止一女

何處猿聲更斷腸夜聞孤女哭淒涼淚痕滴着

臺傍樹縱到春風亦少芳

寄袁暉林敬

頗憶江湖林子翼小齋留飯更袁暉人心人面
人人異賢輩如前共飯時

南州香櫃久流傳亦賣東湖草屨錢莫共諸賢

理鉛槧只治香櫃過年年

暉治香櫃自給
近爲社學師矣

歲首詩緘寄早梅路旁先倩秉之開而今兩眼
西風淚誰解傳聲到夜臺

林緝熙縣博張廷實進士何孝子子完先

後見訪旣而緝熙往平湖廷實歸五羊子

完還博羅因賦絕句四首

春水江門一葉舟幾人來此看垂鈎浮雲一散
無踪跡飛盡桃花江水流

昨夜江門把春酒滿船明月唱陽關五羊城中
消息斷君去東吳幾日還

四百峰頭白鶴知老夫八月有幽期爾家正在
羅浮下莫向春風怨別離

長髯遺我一囊山鐵橋流水非人間我今決策

山中去踏斷鐵橋無路還

夢遊天台

路入天台第八重洞門剛與赤城通脚根點到
虹橋半一咲那知是夢中

伍伯饒送蜂窠至用韻答之

獨憐溪竹隱花叢待得南山後到蜂昔日往來
函谷口如今只用一丸封

晚蜂隊隊過山房何處歸來背脚香辛苦奉君
臣子分可堪奴輩日偷嘗

賽蘭花開

晴光三日轉花枝坐對微馨忽有詩涓滴未嘗
花上露南風莫只報人知

曲欄砌下少人窺戲蝶遊蜂忽滿枝君欲尋花
須早計只今猶是未開時

微風巾袂細氤氳楚畹叢中別有春啜茗亦嫌
風景殺明波載酒是何人

山花豔豔綴旒傍君愛深紅愛淺黃楚客見之
揮不去向人說是賽蘭香

南山送蜜至往復次韻

萬古西山朽骨叢中有魂魄化爲蜂餓死空窠
不飛去猶爲君王守故封

寒花索寞不成叢口腹吾慙入臆蜂覓蜜嬌兒
啼夜半未成新釀又開封

知從何處宿花叢清曉飛來又幾蜂定有香魂
招不返遠尋芳氣落花封

處處山花好蜜房綢繆岩壑爲誰香相思道遠
無由寄此味年來只獨嘗

戲贈館賓

松風和雨灑柴關過午雕胡飯始食今日華卿

休恠訝往年飢鼠齧陳山

常館白沙

讀林進士信宜祭毋墓文

淚血今朝灑鳳山鳳山元只在人間非關旅殯
無尋處不與

皇華共載還

天涯四尺不封墳一去鳳山三十春莫辭更向
山前問恐有漁樵是異人

袁侍御道龍川訃至

何處龍川去不歸
山南山北雨雲飛
晚風晴捲三千尺
好與謔筵作舞衣
憶昔青陽動海濱
隔年草木預知春
如今行路無顏色
盡是青陽去後人

和柳渡頭韻

溪南溪北荔枝垂
五月荷花欲捲旗
忽有酒船邀半路
三盃不記主人誰
飽罷雕胡坐石磯
白雲閑與鶴同飛
神仙若道

吾無分那得身輕減帶圍

題林進士廷玉繼母陳氏挽卷

廷玉幼嗜

醬薑陳每求於旁舍給之

與兒醬薑兒勿號前
母生之後母勞大統岡頭
寒食酒一盃和淚灑香茅

五月菊

露飲霜飡不記秋
黃花三昧室中求
區區形色多相似
爭得先生爲點頭

小變春紅作淡裝
山亭初見一枝黃
醉中忽眩

東籬眼起視金錢着屨忙
二頃南風秫正青督郵未到長官亭眼前雖有
黃花在不與陶公解醉醒

題梁景行天壺書屋

打土編茅費幾錢白雲深夜一燈懸知君未是
壺山主只借壺山過兩年

菴粥朝朝長白寺衣冠夜夜百原山三年枕席
何曾設一紙家書亦不看

元夕

村南村北此宵同好景難消一老翁在處恐妨
年少樂踏歌歸去月明中

正月菊

春到東籬花亦知紅桃白李更當時東風自領
芳菲去也爲秋香作意吹

廬阜高歌九日盃盡將秋意放花開誰教也向
東風裏點破千紅萬紫堆

次韻吾縣博別後見寄

聖賢生處是中華何處天涯何處家夫君認得

幽棲處江門月底釣魚槎

昨夜江門詠月歸今朝又領衡山詩千仞岡頭
一振衣乃見廬岡點化機

題一峯遺墨後何知卷

穆穆熙熙在眼中君家卷裏忽相逢蒼烟綠樹
湖西路何處金牛吊一峯

何生告還新喻因憶希仁先生平生故人
不相見十有六年悵然有作附生他日
之爲我道之

忽忽人間十六年與公信息兩茫然不知今日
江門路還到湖西是幾千

淵明愛菊

白衣剛到黃花下醒長官爲醉長官社裏新知
僧酒主門前高枕石蒲團

和靖愛梅

懊惱梅花未有詩孤山馬上又攢眉後人拈出
前人句作者元來自不知

茂叔愛蓮

不枝不蔓體本具外直中通用乃神我即蓮花
花即我如公方是愛蓮人

潘岳愛桃

潘郎本自愛桃花種向河陽幾萬家世有長官
如孟子還除花地付桑麻

廢宅逢梅

花間無主竹籬空小徑斜穿曲巷通賴是暗香
能不息短筇破帽得相逢

與客夜飲

擊節歌聲未出門照書燈火已眠尊老妻喚醒
蒲團夢更與殷勤煮菜根

辭徵文者

平生語默鬼神知破戒隨人老可嗤三日暴糧
無此客手携空卷下階遲

白沙先生全集卷之十三

無地容身...

平生語...

翰文...

白沙先生全集卷之十四

門人通政司叅議張詡編校
後學新會縣教諭俞樟重校

七言絕句

舫子

此身天地一虛舟何處江山不自由
六十一來南海上買船吹笛共兒謀

木犀偶成

曉枕東窗睡不來木犀造次隔籬開
阿田拍手

黃鸝到寫盡春風得意杯阿田小孫名也

東風披拂滿林塘脚債東山也未償捫虱不禁
春意動日華初吐木犀香

茗碗朝朝怕侍兒采花莫采稱心枝床敷愛就
東窗暖分付東風敵面吹

人間花草鬪春肥粉蝶黃鶯接翅飛也愛白頭
肝肺好木犀墻下嚙朝暉

花名得見太平年擊壤聲高壓管絃化日熙熙
春蕩蕩華夷何處不同天

白頭無酒不成狂典盡春衫醉一場只許木犀
知此意晚風更爲盡情香

書易隱求銘旌後感而有作

一題八字八低回滿眼淒涼筆下來春社去年
人不見茅簷燕子又飛回

山林交分晚相接詩在寒江紫菊舟君去落英
還對我獨吟春雨看江流

半雨半晴鶯亂啼溪邊丈人還杖藜不見舊時
遊走伴白頭衝雨更衝泥

移海棠花

小朶輕紅帶雨香
柔條深翠引風長
道人不是看花客
肯把墻隈借海棠

曉飲忽醉擁禪衣坐睡

三盃過卯得曹騰
坐擁禪衣問殺更
下砌握刀山竹冗
開門負水海棠生

弄筆

白日一醒塵土夢
青山誰計髑髏春
時當可出寧湏我
道不虛行只在人

弄水忘歸真灑脫
看山扶步小逡巡
等閑未許丹青手
搭颯平生畫此巾

鷓鴣育雛于貞節
堂東壁壁高且危
二雛墮地下乃就
而哺之悲鳴徬徨
如在無人之境
予憐之取雛納之
巢紀以絕句

將雛無力上榱題
聲斷殘陽翅忽低
高棟托身君亦悞
鷓鴣安穩只卑棲

海鷗來往未忘機
鷓鴣能言掠砌飛
母去巢危雛落盡
啣虫巢畔待雛歸

江上

遲遲春日蒲花枝江上群兒弄影時
漁翁睡足船頭坐笑卷圓荷當酒卮

有懷故友張兼素

穆穆熙熙只此風今人未見古誰同
意中我了牛醫子且放方齋水墨中

長安風雨閉門間陌上浮雲沒馬鞍
從此江西人物論夫君高只比廬山

萬里長安看我病夜闌兩馬出携燈
如今只有

西涯在宿草江邊露滿坐

何宇新赴南京來白沙告别云此行且復
見定山昔秋已盡矣以詩送之

孝子以爲人所稱世間留者乃何情
故鄉莫作多時別阿母墳頭草又生

浦口柴扉幾日開江門烟艇暮秋回
交情亦似長江水南北年年送往來

閔光宇傳

君艇君齋古所呼忘年忘病舜之徒
莫言外史

無憑據曾見當時拉背奴光風艇尋樂齋白沙讀書所今廢光宇長

於予病斲每疾作使一童子倚其背拉之未及平便起衣冠坐室中習靜忘其病也

戲題顧進士瓊林宴圖

黃屋門前緩轡行上林花映

賜衣明怪來老眼模糊甚道是尋春杜少陵

梅花

湖上詩仙骨已塵江門半樹復撩人携田拉畹

朝朝去江上田家秫酒新

雲隔溪扉水隔塵梅花留月月留人江門半醉

踏歌去紗帽籠頭白髮新

春風處處馬蹄塵岬北花神冷笑人二十四番

紅紫醉一番零落一番新

馬蹄懶踏六街塵閑憶當年拄頰人江海衣冠

零落盡梅花還對白頭新

精神交月不交塵看到黃昏故可人拈出孤山

難狀處一年詩債又從新

桃李安能踵後塵玉妃全是耐寒人瘦筇拄破

梅村月要看南枝出格新

梅塢風高不起塵短筇聊立探花人山塘水淺
時窺影喜與年光不闕新

風遞微香洗渴塵獨行山路不逢人梅花歲歲
渾依舊只看何人着句新

詩思梅花兩絕塵破窻殘月夜窺人明朝走馬
東西去壁上空留醉墨新

雪崖江畔杳香塵天與孤高遠俗人不忘滄波
別時意一枝還遣到圖新

次韻廷實進士送倫長官出遊

我夢名山爲點頭名山到處是真遊床頭買酒
黃金盡那向長江更買舟

新年田家

古田同井今同村同坐盃盤到子孫合是田家
愛元日白頭拄杖拜人門

麥秀夫於城南小渚中累土結茅居之容

一之馬伯幹取酒共醉桃花下各賦詩爲

樂秀夫謁予同作附其韻

春光淡蕩桃花溥絕岼回風落碎金一路潺湲

煙鎖斷無人知道此溪深

川練縈紆島上花世間遙望赤城霞仙源不比

函關路老子來時坐一槎

我夢桃花何處潯水清蘋白一籬金美人家住

紅雲島欲徃從之江水深

手拄藤枝髻插花夜夜收沉壑曉食霞貴人已隔

門前水野人還通月下槎

紅白花開綠渚潯風光買我不論金輞川不借

閑人看只愛詩家着語深

漠漠春煙淡淡花竹邊孤嶼閣飛霞春江水滿

秋江水更着新槎換舊槎

安期只在東海潯何處名山浪鑄金欲向桃花

問消息柴門深鎖碧溪深

武陵春盡水流花洗却耶溪十丈霞晝坐竹根

看未足蒲葦明月夜縈槎

東潯披卷盡西潯海月秋連萬頃金卷裏我能

題百首溪逢斟酒莫辭深

閉門春雨可憐花誰共花前傾紫霞但放此盃

深似海回公肚裏得橫槎

得倫長官詩疑其果於遊而未可以遊次
韻復之以博一笑

一百青錢解杖頭樽中有酒勝閑遊門前春浪
高於屋莫向長江弄破舟

短檠細字寫蠅頭衰老而今尚好遊何處與君
談半偈玉臺留作濟人舟

贈張進士入京

別後膝痛甚於前日本無詩悰獨念吾

與廷實不可無一言以別爲八絕句命

童子容憑錄於自作序文之下其辭曰

五年不出獨何心萬里行囊又一琴難寫別離
今日意江門春水不如深

有心誰莫弄兒嬉孔老枝條我亦知風日小塘
君不顧竹林藤篔自皇羲

能將糟粕委諸書影響人間不受驅五百年中
名世出先生正教果何如

津頭日暮送夫君別意那堪更遣聞芳樹鳥鳴

山雨過柴門空閉一溪雲

玉臺居士玉臺眠碧海三山病枕前君欲有爲

休問我白頭世事已茫然

會餘湯餅欲春闌往即公程亦不難不獨有官

兼有子老親贏得一開顏

南風吹上石門舟又到西華寺裏遊記得聯舟

此相送而今空有雪盈頭

昔曾寄住長安寺潦倒滄溟夢不回何處思君

還有夢青山斜日兩徘徊

次韻東所送薑酒

寧知生早與生遲真鳳真麟出以時何處氤氳

薑酒氣香風吹入野人卮

病起朝

天果未遲出門剛遇鳳來時兩山居士何如喜一飲

從教累百卮

與廷實看李世卿題竹

來看竹上舊題名已有清風挹世卿天矯龍蛇

不堪捕安知不是野狐精

題熊氏桐軒

湖海逢君四十年，破琴殘韻尚依然。
棹歌本是閩南調，傳到于今更不傳。

桐軒云是勿軒孫，何處江湖何處村。
古錦囊中風韻在，幾時彈向白沙門。

飲馬氏園贈童子馬國馨

日轉芭蕉覆竇鳴，飛飛蜂蝶喜新晴。
衰翁醉卧溪園裏，一曲春牛和國馨。

白髮跣跣溪樹根，還從地上見諸孫。
醉中自唱

漁家傲擊碎花邊老瓦盆

喜晴

西林收雨鶉鳩靈，卷被開窗對曉晴。
風日醉花，花醉鳥，竹門啼過兩三聲。

得沈大叅時暘漳州發來書答之

前後題緘兩度收，春風無鴈到漳州。
青燈一榻南都夢，回首于今二十秋。

悼舊

里中興沒一浮雲，六十年中幾度聞。
只恨墳荒

無祭掃前村更有未封墳

何潛死踰十年并其母皆未葬

馬文祥寄五氣朝元鑪至

隱者年來少在山白雲幾片落人間玉臺小逕
蓬蒿底吾對吾鑪盡日閒

人間葷血共歡娛誰作朝元五氣鑪自汲山泉
煮春茗不留俗客包魚

合是神仙太一鑪旁通五竅似連珠如何水火
收功用去問劉安下手初

眼前詩景浩烟掠何處丹鑪火又消莫笑道人

歸未得秋風雲路試扶搖

五月二十六日雨

民以五月二十五六七
雨卜豐年

時雨時暘歌帝力今年今雨卜年豐路旁酒價
知天道何處醉鄉眠此翁

六月一日不雨

民以六月一日雨至旱

窓眼陰晴曉未分一年憂樂稍相尋山林自慣
清涼極且放今朝到鑠金

圖新書舍中植蕉數十本壁間有李世卿
題句潮州饒鑑至讀之有所興起勉以小

詩

一寸芳心卷却春竹枝
遺響落圖新潮州客子
來何暮還對芭蕉索楚人

贈梁景行赴春闈

宗烈平生讀書處老夫題作小壺山
壺山不解留君住君着壺山夢裏看

夢亡友袁德純御史

再試宜興割鷄手置之柘府公巖巖如何不返
龍川駕遺恨千年在嶺南

自別君來十九秋江門暮雨忽相投
當時呼酒留君語却到如今羨海鷗

周侍御文化將訪白沙阻風江上連日以

詩迓之

長風不打畫船回更爲山靈掃玉臺
走馬城中

具茶果青天白日繡衣來

積雨是日
得大霽

將晴忽雨此何時我病山中久不知
驄馬今朝在何處江邊人吏望旌旗

昔者吾聞周柱史青牛紫氣出函關
有心來鼓

南溟柁信息朝來已到山

奉懷胡大叅希仁先生

魯連謝去都無事范蠡歸來未了心三十餘年
窮學道而今方識古人深

先生齒髮今如何我髮秋來白又多若與先生
論出處江門只好聽漁歌

梅下雜詩

虛名每被詩家賣素艷常遭俗眼嗤開向人間
非得計移根天上白龍池

向暖南枝已播詩北枝向冷尚遲遲肩輿欲過
江門去爭得春風剪拂之

梅花信是菊花傳賞劉梅花又一年處士豈非
詩俊傑長官元是酒神仙

題瑞鵲卷有序

成化十九年春予被薦入京過江浦訪
孔易莊先生先生送予揚州偕行至六
合縣經宿而去當是時周君文化令六
合有聲後八年莊先生病猶卧家予乞

終養歸侍下亦衰且老周君以監察御史按治吾廣過寒舍道舊於是周君舉莊先生昔者所爲賦瑞鵲詩俾予和之瑞鵲多年我眼中咲烹牛鼎夜燈同如今栢府開詩卷還對樽前兩病翁

贈化州守鄭順解官歸

湖上鷓夷又買舟清風明月幾宜休未知進退存亡事只問歸來鄭化州

贈羅梁還程鄉

一峰諸子在通家生死交情俗可嗟泉壤有知開口笑江門來共看梅花

飛出一帆何處風道人眠處玉臺東春光一路相隨去朝雨渡頭花欲紅

世道如今覺我非衝寒猶肯到柴扉江門春酒無多少須勸羅生一醉歸

翩翩雙履一長筇意氣馮凌四百峰肯向程鄉留一載長官真好主人翁

一客三旬住玉臺梅花正傍玉臺開客心暗與

梅花契去到明年臆又來

蓬島煙霞圖題贈羅定直一峰先生子也

丹青誰弄煙霞筆題贈湖西公子行携過羅浮
莫開看羅浮怕有異人爭

輓林別駕汝和

昔歲逢君郭隗臺揚眉撫劍泰山摧紛紛白眼
輕豪俊只有余公解愛才

別駕一城聊塞北短檠諸子自江南平生抱負
何由見塚上銘詩仔細參

赤泥經雨草淒淒山北山南路欲迷怕到使君
投轄處黑雲堆隴鷓鴣啼

大山看山

春泥沒屐太田潮溪北初經獨木橋千丈峰頭
望東海三山正對杖頭瓢

縣取脚色

蕭蕭白髮映春漪脚色年來自不知蒲眼江山
難具報只將年月載公移

炒蜺憶世卿

蜺酒三鍾一曲歌江邊長袖舞婆娑如今歌舞
人何處慙媿春錨蜺子多

奴拾枯枝給早炊錨中風味此奴知春風解憶
江門否正是江門蜺賤時

雨中謾興

種桃之歲在單闕種竹如今又幾年竹長桃枯
人老去釣船春雨日高眠

急起翩翩白鶴雙黑雲將雨欲迷江人間未有
高栖地何處深山著老龐

山曾問厚郭胡父子起居於其鄉人蘇弁序

高君名全先師康齋先生女夫也其子

曰寧壽景泰甲戌予遊小陂與君父子

白頭一 同處先生之門肯寧壽方七歲工於筆

火硯今二十又七年矣

居隣厚郭一鷄飛桂樹干今大幾圍老憶舊時
燈火伴青山何處望霏微

夫子讀宛陵先生歷覽昔賢皆泯泯尋思魯叟

自波波

凡上凝塵封玉軫南風不入琵琶引仲由言志
夫子哂當泯泯時須泯泯
着漁蓑了唱漁歌受制江山老奈何溪上女兒
閑抹髮東塵西市走波波

次韻羅仲明先生見寄

白頭一枕小廬山偶寄孤松十竹間朝市山林
俱有事今人忙處古人閑

高軒頻過武夷山曾聽仙歌九曲間坡公莫被
山僧笑只得今朝半日閑

偶閱岳季方題商山四皓圖次韻

道窮夫子不東周歷世紛紛講智謀四老若將
三傑比真成飲水勝封侯

水墨誰將畫此圖山人搔首看盧胡花水諸峰
流落盡白雲猶爲隱屠蘇

虎困龍疲戰兩間孤標千丈起商顏不將老眼
看人世肯爲留侯誤出山

定惠安劉理不難紫芝歌已動長安試將脚色
從頭看高祖如何敢溺冠

閱周溪圖作贈劉景林歸呈尊甫翁肅菴

程鄉令

太極無堦不可躋却從樓上望周溪

周溪書院在太極之

南旁夾

天泉

井名在書院兩旁

十丈無人汲雲谷

亭名在太

極之東庵老翁來杖藜

月色溪光盪兩楹酒醒開眼得逢瀛試問老仙

誰接引春陵雲谷兩先生

兩仙何處舞霓裳天上人間兩渺茫脚底飛雲

三萬丈隨君不得到程鄉

水北原南秋更多蒲川明月濯纓歌長官要結

溪山好去問南昌乞釣蓑

東白張先生借予蓑不還戲之

月下溪邊逐影行還聞何處瀉溪聲扶君直到

源頭看七尺芙蓉贈一莖

咫尺溪光谷口分谷中人語隔溪聞明朝更下

山亭去溪上清風可送君

丁明府置莊蕭二節婦祭田邑人訟而奪之

歲月人間豈待深等閑興廢遞相尋祗應節婦

墳頭月還照當年茂宰心

贈晉江掌教陳昌期赴任

身爲五典三綱主官作司徒典樂看教授蘇胡
元有樣莫將資級小儒官

村晚

漁笛狂吹失舊腔采菱日莫闔歌長老夫獨面
東溟坐月上孤琴未解囊

對菊

溪遶廬岡宅遶沙眼前酒伴眼前花登高此地
從頭記三十六回無孟嘉

因花催酒酒催詩詩酒平生兩不虧秋到若無
詩與酒菊花元似不曾知

菊逕旁通水背村秋光蕩漾短籬門與儂別樣
何粧點咲插金英滿鬢根

映山映水兩三叢移上山亭愛殺儂千古冷香
吹不斷長官頭上帽簷風

籬前水色映花光來坐漁竿弄晚芳溪北酒如
解人意問人沽酒壓糟嘗

代簡谷吳撫州次定山韻

何許蒼生望不休
翩翩皂蓋擁諸侯
定山也未忘情在
更把黃州贈撫州

送子長遊玉臺兼懷林緝熙張廷實

十里崖雲古色黃
白龍高映玉臺光
山僧莫信閑饒舌
那得神仙此處藏

山肯留人月肯留
好山好月好人遊
誰還望見

羅浮影疑殺平湖五字謳

緝熙遊圭峯詩云是箇小羅浮

來時溟滓許同科
曾聽圭峰踏月歌
今日君騎地官馬
白雲招手奈君何

贈袁暉用林時嘉韻

白首看雲共此臺
青山明月小遲回
如何得見春風面
更到明年二月來

風雨相留更晚臺
邊爐煮蟹饑君回
扁舟夜鼓寒潮杓
又是江門一度來

植竹爲垣土作臺
野橋分路到溪回
江門若比瞿塘水
何處遊人肯上來

青山依舊鎖溪臺
前度遊人去不回
賴是山人無訴牒
有人真本賣山來

冬至日示袁暉用前韻

面壁山人不下臺老陰消盡少陽回白雲影靜
千峰裏紫菊香騰十丈來

袁暉久在白沙候容貫不至以詩來和之

用前韻

冷雨淒風寄我臺香林草屋夢空回山中酒伴
何曾見水上詩瓢只謾來

擬於精舍旁結小菴以處袁暉

精舍巖西擬一臺松高竹密路斜回草菴半屬

袁即了好帶茶園一櫃來

贈胡地曹次鄒吉士汝愚韻

梅鳩傳觴是偶同小桃催放數花紅人間愛見
春風面天上還看斗柄東

今雨到門君又同四人對飲夜爐紅眼前莫道
東溟遠我欲乘槎更向東

荅蔣方伯弁序

淮鵝之惠報以草書少借右軍之譽便
成故事寄興小詩錄以代簡

筆下橫斜醉始多
茅龍飛出右軍窩
如何更作山陰夢
數紙換公雙白鵝

得蕭文明寄自作草書至

草聖留情累十春
熙熙穆穆果何人
如今到處張東海
除是譚生解識真

魏晉名家是一關
前驅黃米未知還
却疑醉點風花句
四海于今幾定山

束茅十丈掃羅浮
高榜飛雲海若愁
何處約君同洗硯
月殘霜冷鐵橋秋

送栢谷之

遺我紅栢索我歌
狂歌不飲奈栢何
大崖山下無人寄
日盡千瓢舞破蓑

雙鳳石

在七星巖其一爲好事者取去族子見以書來索題

雙鳳巖樓豈遠而
玉臺西望斗光垂
蓬萊水闊無因到
願借山人一隻騎

鬼鑿寒巖萬丈開
翩翩雙鳳忽飛來
而今石化孤鸞在
何處人間去不回

龍山吟走筆和陳冕

龍山氣魄小終南行者何年住此菴黃雲道人
飛兩脚也到白龍天際巖

何處龍山吊古墳忽傳佳句到黃雲始知佛是
西方我報答人間父母恩

老柱高擎何處天滴醯洗蘚認當年山僧欲話
飛來日撞破龍山一道煙

第一山人俗姓盧脚踰塗字也碑趺寺旁老塔
依然是却道乾坤種種無

浮生日月易消磨回首龍山月一阿想得當時

盧行者笑人义手縛諸魔

風雨江門罷晚墟隔船燈火夜呼盧驚回一覺
龍山夢閑對雲僧講地圖

次韻蘇伯誠吉士

魯水何剛愛一沂江門新浴試新衣長風夜卷
殘雲去公抱大江明月歸

我浴江門點浴沂藤蓑自樣製春衣尋常只着
藤蓑去細雨斜風釣不歸

喜楊敷至

笠影于今落海潮十年雲水夢相撩一雙我辦
雲卿屨萬丈携君訪鐵橋

新年試筆

舍下水生春始開竹間波弄碧洄洄東風日日
江門道不盡官船打鼓來

對影

風月情真詩浩蕩江湖水闊蓑飄翩丹青不是
江門影又畫瞿曇又畫仙

雨中偶得

高浪張燈何處船客邊風雨夜如年行人自有
明朝路莫遣陰晴不屬天

題陶憲長畫范蠡圖

詩中之畫畫中詩晴雪孤舟蕩晚暉同在五湖
煙水內是鴟夷不是鴟夷

雨後觀園

二月平原水亂流微茫生意益初浮黃芽翠甲
驚人眼是我曾無爲草憂

僉憲莆陽李公自南海征黎過白沙

蛇窟縱橫木短弓霜風何處卷飛蓬清時欲獻
征黎頌血刃休誇甲冑雄

飲名酒

徐孺眼欺湖水碧龐公心死鹿門深尊前水月
千千頃手上絲綸萬萬尋

觀競渡

快意深時恨亦深干戈何處不相尋誰將五月
龍舟水盡洗中原虎鬪心

贈茶園何視履翁

讀易溪邊日已斜晚風吹落釣魚槎江門水月
真無限也照先生帽頂花

題王廷直畫

曲肱帶酒眠花間有月穿松到我前人去華山
今已久丹青猶畫在山年

贈李若虛憲副

欲別未別情難吐白龍雨過黃雲暮莫辭寫盡
金盤露明日玉臺君不顧

次韻李憲副若虛見憶

此叢煙月此溪心隔水樵歌盡好音若向東湖
傾此意先生真箇似儂深

贈畫師

高枕松根不記秋秋來春去幾時休山中此夢
公能畫我有黃金贈一舟

次韻馬廣重過白沙

綠榕陰裏早秋天又借漁翁半日眠三度槁梧
携過此如今不記是何年

陰晴十里不同天獨樹溪邊看雨眠何處引盃
歸未得相思真有日如年

葵山小睡次謝天錫韻

閒到忘閒始是閒閒中消得幾葵山曲肱枕斷
疎桐影夢遶白龍池上還

無心可比白雲閒白雲被風吹出山道人肯比
桃花水流向人間更不還

送劉程鄉遊玉臺

春草楊敷曾醉處秋風又拂長官衣黃雲不是
棲賢地纔到黃雲便說歸

蔡山受諸持齋者拜戲作示之

山花山鳥共諧嬉
山石危橫步不知
笑頰頭陀稱老宿
真成老子是嬰兒

次韻張別駕古勞望白龍池

一泓何處瀉天池
泡沫君看水面滌
若對崑崙脩缺典
數篇休欠白龍詩

睡起偶成

天地蜉蝣共始終
十年癡卧一無窮
道人試畫無窮看
月在西巖日在東

候方伯東山劉先生

幾處龍光發夜函
畫船信息滿東南
津頭小吏殷勤報
坐爇爐香月底菴

贈夏進士昇

春日春風江漾沙
官船不發對山家
山杯一舉山翁醉
咲點青蔥數畝花

顧別駕欲人以號稱
不以官口號取咲

別乘官高上元簿
夫君英氣蓋東南
何須不學程明道
只要人稱顧勉菴

書稱顧別駕曰勉菴別駕詩以博笑

勉菴別駕今相隨書法兼之蓋亦宜若道是名
皆外物因君分別却生疑

顧別駕來教民板築復以詩見示次韻奉

卷

斛板親傳易簡方旁觀點點復行行無人不拜

先生賜茅屋家家是土墻

莆中呼板築之具曰斛板

宿雲卧軒

世間何喜復何悲風雨蕭蕭過短籬小睡正酣

童子問公今是夢是醒時

不妨到處與人群借宿山齋酒半醺我得五龍

傳睡法枕痕猶帶華山雲

了無頭緒向諸緣到處茅椒可借眠白日與人

同在夢不應疑我是神仙

讀漳州張太守功德碑

即中林雍撰

罷守三州卧兩山漳州面目此碑間郡人欲識

蒙菴老也傍斯文捉一斑

次韻黃澤飲酒見寄

南山北山花咲人有酒不肯延佳賓請君試向西園看又減黃鸝一半春
拚飲如何更問人樽前不見李元賓晨朝有酒晨朝醉莫待黃昏老却春

謁鄧家山墓

擲谷鶯聲向此沉
遶墳春色爲誰深
紙錢灰冷桐花落
已被愁風捲到心

送扇與萬松菴

山中團扇織朱藤
小把還誇入手輕
見說高齋

蚊鬚赤夜深來撲老先生

次韻劉方伯東山見寄

一爲雷雨沛西東
十郡民歸岳伯功
我有江門水千頃
春來只好浴鳧翁

林隱挽詩薛庶憲父也

清靜忘機樂未休
水風何處弄浮漚
典刑今在山頭月
曾照踈松枕畔秋

送薛庶憲江門

江上看雲獨送君
廬山雲亦華山雲
解衣半餉

雲中坐纔出雲來路又分

無端聲色謝首聾多少人心弊弊中萬里青天

今日送江門津口一帆風

東山劉時於我問漁磯君見東山詠我詩莫共

越人謀出處直夫先謝外臺歸陳壯字直夫江西僉事山陰人

謝東山惠廣西酒

月下花前舞影歌桂江美酒獨斟時眼前莫道

都忘却也向東山有報詩

白沙先生全集卷之十四

聖